

水經注箋卷第十一

先子遺書



漢 桑欽撰

後魏酈道元注

明 李長庚訂

孫汝澄

朱謀埠箋

李克家全校

易水

涖水

易水出涿郡故安縣閭鄉西山

孫云涿郡今京師涿州故安今保定易州

易水出西山寬中谷東逕五大夫城南昔北平侯

王譚不同王莽之政子興生五子並避時亂隱居

此山故其舊居世以為五大夫城即此岳讚云五

王在中麗葛建績者也

謝兆申云宋本作麗葛連續

易水東左

水經注箋

卷十一

與子莊溪水合水北出子莊關南流逕五公城西

屈逕其城南五公猶王興之五子也光武即帝位

封為五侯元才北平侯益才安喜侯顯才蒲陰侯

仲才新市侯季才為唐侯所謂中山之五王也俗

又以五公名居矣二館之城

二館謂樊於期館荆軻館並有一城澗

曲泉清山高林茂風煙披薄觸目怡情方外之士

尚憑依舊居取暢林木

一作水

其水東南入于易水

易水又右會女思谷水水出西南女思澗東北流

注于易謂之三會口易水又東屈關門城西南即

燕之長城門也與樊石山水合水源西出廣昌鄉

按漢書地理志
王莽封平阿侯
范其成帝之世
子行嗣時王莽
水封侯也平阿
封王莽輔政
王莽則五公大
王莽遺仁就國
王莽封平阿侯

之樊石山東流逕覆釜山下東流注于易水易水又東歷燕之長城又東逕漸離城南蓋太子丹館高漸離處也易水又東逕武陽南蓋易自寬中歷武夫關東出是兼武水之稱故燕之下都擅武陽之名左得濡水枝津故瀆武陽大城東南小城卽故安縣之故城也漢文帝封丞相申屠嘉爲侯國城東西二里南北一里半高誘云易水逕故安城南外東流卽斯水也誘是涿人事明經證今水破城東南隅世又謂易水爲故安河武陽蓋燕昭王之所城也東西二十里南北十七里故傳逮述

水經注箋

卷十一

二

遊賦曰出北薊歷良鄉登金臺觀武陽兩城遼郭

宋本作遼廓

舊迹冥芒蓋謂是處也易水東流而出於

范陽

東過范陽縣南又東過容城縣南

易水逕出范陽縣故城秦末張耳陳餘爲陳勝略

地燕命趙

埤按史記當作略地燕趙今倒一字

蒯通說之范陽先下

是也漢景帝中元三年封匈奴降王代爲侯國王

莽之通順也易水又東與濡水合出故安縣西北

窮獨山南谷東流與源泉水合水發北溪東西北

注濡水濡水又東南逕樊於期館西是其授首於

高誘

荆軻處也濡水又東南流逕荆軻館北昔燕丹

田宋本之言尊軻上卿館之於此二城並廣一

里許俱在當作阜之上上邪而下方濡水又東

逕孫云逕下疑陽城西北舊竭濡水枝流南入城

逕相冢西冢巨城側耶水塘也宋本作即四周瑩

城宋本深廣有若城焉其水側有數陵墳高壯望

若青丘詢之古老訪之史籍並無文證以私情求

之當是燕都之前故墳也或言燕之墳瑩斯不然

矣其水之故瀆南出屈而東轉又分為二瀆一水

東注金臺陂一水逕故安城西側城南注易水夾

水經注箋

卷十一

塘崇峻邃岸高深左右百步一釣臺參差交峙宋本

作迢遞相望更為佳觀矣其一水東出金臺陂東

西六七十步南有金有金二字疑衍北五十步側陂西北

有釣臺高丈餘埤按太平御覽引水經注云金臺

西北有釣方可四十步陂北十餘步有金臺臺上

東西八十許步南北如減高十餘丈昔慕容垂之

為范陽也戍之即此臺北有蘭馬臺並悉高數丈

秀峙相對翼臺左右水流經通長廡廣宇周施浦

浦埤按御覽作周旋被浦棟堵咸淪柱礎尚存是其

基構可得而尋意欲圖還上京阻於行旅造次不

獲遂心訪諸耆舊咸言昭王禮賓廣延方士至如

郭隗樂毅之徒鄒衍劇辛之儔宦遊歷說之民自

遠而屆者多矣不欲令諸侯之客伺隙燕邦故修

連下都御覽作修建館之南垂言燕昭創之於前

子丹踵之於後故雕牆敗館尚傳鐫刻之名雖無

紀可憑察其古跡似符傳矣御覽作雖無經記可憑察其古跡似符

矣傳濡水自堰又東逕紫池堡西屈而北流又有渾

塘溝水注之水出遼縣西遼舊本作酉漢地志作遼屬涿郡注云遼古遼

字白馬山南溪中東南流入濡水濡水又東至塞

口古纍石堰水處也濡水舊枝分南入城東大陂

水經注箋

卷十一

陂方四里今無水陂內有泉淵而不流際池北側

俗謂聖女泉濡水又東得白楊水口孫云疑出遼

縣之西山白楊嶺下東南流入濡水時人謂之處

眼泉也濡水東合檀山水水道縣西北宋本作水

北檀山西南南流與石泉水會水出石泉固東南

隅水廣二十許步深三丈固在衆山之內平川之

中四周絕澗阻水八丈有餘石高五丈石上赤土

又高一丈四壁直立上廣四十五步水之不周者

路不容軌僅通人馬謂之石泉固固上宿有白楊

寺是白楊山神也寺側林木交蔭叢柯隱景沙門

釋法澄建刹於其上更爲思亥當作之勝處也其

水南流注于檀水故俗有并溝之稱矣其水又東

南流歷故安縣北而南注濡水又東南流於容城

縣西北大利亭東南合易水而注巨馬水也故地

理志曰故安縣閭鄉易水所出至范陽入濡水闕

駟亦言是矣又曰濡水合渠許慎曰濡水入深深

渠許氏說文云濡水出涿郡故安東入涿涑二號卽巨馬之異名然二

易俱出一鄉同入濡水南濡北易至涿郡范陽縣

會北濡又並亂流入涑古本作亂流入涑疑此涑字當作涑字說文可據吳

本改作入涑是則易水與諸水互攝通稱東逕容成縣

水經注箋 卷十一 五

故城北渾濤東注至勃海平舒縣與易水合闕駟

曰涿郡西界代之易水而是水出代郡廣昌縣東

南郎山東北燕王仙臺東臺有三峰甚爲崇峻騰

雲冠峰高霞翼嶺岫壑冲深合煙罩霧宋本作合

耆舊言燕昭王求仙處其東謂之石虎罡當作范

曄漢書云中 山簡王之宅也後其葬採涿郡山石

以樹墳塋埤云後字誤當作厚按後漢書中山簡王薨詔重其禮大爲修冢塋開神道平

夷吏人家墓以下數作者萬餘人發常山鉅鹿涿郡柏黃腸雜木三郡不能備復調餘州郡工徒及

送致者數千人陵隧碑獸並出此山謂之石虎山

山有所遺二石虎後人因以名罡當作之東麓卽

法地理志注云
涿郡有涑水

泉源所導也。經所謂閭鄉曲。詳經文當作閭鄉西山其水東

流有苾水。南會潭波。同注俗謂之為雹河。司馬彪

郡國志曰：雹水出故安縣。世祖令耿況擊故安西

山賊吳耐。蠡符雹上十餘營皆破之。即是水者也。

易水又東逕孔山。北山下有鍾乳穴。穴出佳乳。探

者爇火尋路。古本作爇火尋妙。謝云一作沙。汝澄

言也。出穴而去。土與石即為乳矣。入穴里許。渡一水。潛通流注。其

深可涉。於中衆穴奇分。令出入者疑迷。不知所趣。

每於疑路必有歷記。返者乃尋孔以自達矣。上又

有大孔。壑達洞開。故以孔山為名也。其水又東逕

水經注箋

卷十一

西故安城。其謝云其所宋本作南即閭鄉城也。歷逕荆陘

北。耆舊云：燕丹餞荆軻於此。因而名焉。世代已遠

非所詳也。遺名舊傳不容不詮。庶廣後人傳聞之

聽。易水又東流。屈逕長城西。又東流。南過武遂縣

南新城。縣北史記曰：趙將李牧伐燕。取武遂。方城

是也。俗又謂水為武遂。津津北對長城門。謂之分

門。史記趙世家云：孝成十九年。趙與燕易以龍兔

汾門。與燕燕以葛城。武陽與趙。即此也。亦曰分門

門。韓云此分門。門字疑有脫誤。據郡國志云。涿郡北新城有汾水門。恐當從此。又謂之

梁門。矣。易水東分為梁門。陂。易水又東。梁門陂。水

水經注卷之七

注之水上承易水於梁門東入長城東北入陂陂

水北接范陽陂陂在范陽城西十里方一十五里

俗亦謂之為鹽臺陂陂水南通梁門淀方三里淀

水東南流出長注易宋本作水謂之范水易水自下

有范水通日又東逕范陽縣故城南即應劭所謂

范水之陽也易水又逕樊輿縣故城北漢武帝元

朔五年封中山靖王子劉條為侯國王莽更名握

符矣地理風俗記曰北新城縣東二十里有有古

云有字樊輿亭故縣也易水東逕容城縣故城南

漢高帝六年封趙將夕一作夜於深澤景帝中元三

水經注箋

卷十

七

年以封匈奴降王攜徐盧於容城皆為侯國埤按

云趙將夜封深澤侯匈奴降王唯徐盧封容城侯

漢書作趙將夕攜徐盧注據史記而吳瑄依漢

書改王莽更名深澤易水又東渥水注之其水上

承二陂於容城縣東南謂之大渥澱小渥澱水南

流注易水謂之渥同口水側有潭渥城易水逕其

南東合涖水故桑欽曰易水出北新城城北東入

涖自下涖易水受通稱矣宋本作互易水又東逕

易京南漢末公孫瓚害劉虞於薊下時童謠云燕

南垂趙北際唯有此中可避世瓚以易地當之故

自薊徙臨易水謂之易京城在易城西四五里趙

王國正

四百

建武四年石虎自遼西南達易京以京鄣至固令

二萬人廢壞之今者地壁夷平其樓基尚存猶高

一匹餘小爾雅云二丈為兩倍兩為匹是四丈為一匹也基上有井世名

易京樓卽瓚所堡也故瓚所與子書云袁氏之攻

狀若鬼神衝梯舞于樓上鼓角鳴于地中卽此樓

也易水又東逕易縣故城南昔燕文公徙易卽此

城也闕駟稱太子子丹遣荆軻刺秦王與賓客知

謀者祖道于易水上燕太子稱荆入秦太子與知

謀者謝兆申云宋本無燕太子稱以下十三字當刪之皆素衣冠送之於

易水之上荆歌宋本作軻起為壽歌曰風蕭蕭兮易水

水經注箋

卷十一

寒壯士一去兮不復還漸離擊筑宋本作高漸離宋如意

知之燕策史記俱無宋意事唯陶淵明詠荆軻詩云漸離擊悲筑宋意唱高聲與此有之為

壯聲士髮皆衝冠為哀聲士皆流涕疑於此也余

按遺傳舊跡多在武陽似不餞此也漢景帝中元

三年封匈奴降王僕黥為侯國也僕黥舊本作僕黥按漢功臣

表注云黥音恒今吳本改作僕黥誤

又東過安次縣南按漢地理志安次縣屬勃海郡孫云安次今東安縣

易水逕縣南鄭縣故城北謝云鄭縣宋本作鄭縣孫云鄭在今任丘縣北

東至文安縣與雩池一作滹池合史記蘇秦曰燕長城

以北易水以南正謂此水也是以班固闕駟之徒

咸以斯水謂之南易

又東過束州縣南東入于海

韓按漢地理志束州亦屬勃海郡古本作泉州

誤也孫云束州縣在今河間縣境內

經書水之所歷泂次注海也

滹水出代郡靈丘縣高氏山

孫云高氏山海經作高是

卽温夷之水也出縣西北高氏山

韓云温夷字誤當作嘔夷周禮

并州之川曰庫池嘔夷前漢地理志云代郡靈丘縣滹水河東至文安入大河過郡五行九百四十二里并州川也鄭司農曰嘔夷卽祈夷水出平舒縣平舒亦屬代郡 山海經曰高氏

之山滹水出焉東流經于河者也其水東南

流山上有石銘題言冀州北界故世謂之石銘陘

水經注箋

卷十一

九

也其水又南逕曰候候塘川名也

韓謂當作又南逕候塘候塘川

名也又東合温泉水水出西北暄谷其水温熱若湯

能愈百疾故世謂之温泉焉東南流逕興豆亭北

亭在南原上欹傾而不正故世以欹城目之東流

注于滹水又東泉水注之水導源蒞泉南流水側

有蒞泉亭東南入于滹水又東逕靈丘縣故城南

水中自源南注滹水應劭曰趙武靈王葬其東南

二十里故縣氏之縣古屬代漢靈帝光和元年中

山相滅泉

舊本作滅泉

上請別屬也地理志曰靈丘之

號在武靈王之前矣又按司馬遷趙敬侯二年敗

疑才必又

字林字海地
日有雲部

注釋作志

註有說文

齊於靈丘史記六國表云趙敬侯九年伐齊至靈丘則名不因靈王事

如漢注涇水自縣南流入峽謂之隘門設隘於峽

以譏禁行旅歷南山高峰隱天深溪埒谷其水浴

澗西轉逕御射臺南臺在北阜上臺南有御射石

碑南則秀鄣分霄層崖刺天積石之峻壁立直上

車駕公葦公葦字未詳蓋言習射之事每出所遊藝焉涇水西

流又南轉東屈逕北海王祥之石碣南祥舊本作詳後魏書

北海王名詳獻文皇帝之子也吳本改為王祥誤御所屈石柱北而南流

者也

^東南過廣昌縣南宋本作東南過廣昌縣南一作又南

水經注箋 卷十一 十 志

涇水東逕嘉牙川川有一水南來注之水出恒山

北麓雖川三合逕嘉牙亭東而北流注于涇水水

之北山行即廣昌縣界涇水又東逕倒馬關關以

險隘是為深峭勢均詩人高岡之病良馬傳嶮之

行軒故關受其名焉關水出西南長溪下東北歷

關注涇涇水南山上起御坐於松園建祗洹於東

圃東北二面古本云起御坐於松園建祗洹東圃北二面岫郭高深謝北申云宋本無

東字疑當作建祗洹岫郭高深霞峰隱日水望澄

明淵無潛甲行李所逕鮮不徘徊忘迈矣

又東南過中山上曲陽縣北水從西來注之

涇水自倒馬關南流與大嶺水合水出山西南大

嶺下東北流出峽峽右山則有祇洹精廬飛陸陵

山丹盤虹梁克家云疑作丹虹盤梁長津泛瀾縈帶其下東

北流注于涇涇水又屈而東合兩嶺溪水水出恒

山北阜東北流歷兩嶺間北嶺雖層陵雲舉猶不

若南巒峭秀自水南步遠峯石磴逶迤公途九曲

歷睇諸山咸為劣矣抑亦羊腸邛來之類者也按

高誘曰羊腸注云羊腸山盤紆如羊腸在太原晉陽北又注淮南子云羊腸坂是太行孟門之限也華

陽國志曰邛峽山本名邛笮其巖阻峻迴曲九折乃至山上凝水夏結冬則劇寒齊宋通

和路出其間其水東北流注于涇水又東左合懸

水經注箋

卷十一

水水出山原岫盤谷輕湍濬下分石飛懸水一匹

有餘直灌山際白波奮流自成潭渚其水東南流

揚湍注于涇涇水又東流歷山世謂是處為鴻頭

疑即晉書地道記所謂鴻上關者也關尉治北平

而畫塞於望都東北謝云宋本作去北平不遠兼縣上

所極也涇水於是左納鴻上水水出西北近溪東

南流注于涇水也

又東過唐縣南

涇水又東逕左人城南應劭曰中人城西北四十

里亦或謂之為唐水也水出中山城之西如謝云宋本

如往也

無如字

北城內有小山在城西側水銳山若委粟焉

疑卽地道記所云望都縣有委粟關也俗以山在

邑中故亦謂之中山城以城中有山之木

當作因

復謂之爲廣唐城也故中山記以爲中人城又以

爲鼓聚殊爲乖謬矣言城中有山故曰中人山也

中山郡治京相璠曰今中山望都里二十里有故

中人城

堦云望都里當作望都西北按杜預左傳注云望都縣西北有中人城

望都

城東有一城名堯始城本無中山之傳璠或以爲

中人所未詳也中山記所言中人者城東去望都

故城一十餘里二十里則減但苦其不東觀矣

謝云

水經注箋

卷十一

其不矣三字疑有脫誤

異說咸爲爽矣今此城於盧奴城北

如西六十里城之西北泉源所導西遷根山

孫云當作

狼山

北郎唐音讀近實兼唐水之稱西流歷左人亭

注涿水又東左會一水水出中山城北郎中阜下

亦謂之唐水也然於城非西在

疑作北

又名之爲電

水又兼二名焉西南流入涿並所未詳蓋傳疑耳

涿水又東恒水從西來注之自下涿水兼納恒川

之通稱焉卽禹貢所謂恒衛旣從也涿水又東右

苞馬溺水水出上曲陽城東北馬溺水東北流逕

伏亭晉書地道記曰望都縣有馬溺關中山記曰

八渡馬溺是山曲要害之地一一關勢帶接疑斯
城卽是關尉宿治異目之來非所詳矣馬溺水又
東流注于涇涇水又東逕中人亭南春秋左傳昭
公十三年晉荀吳率師侵鮮虞及中人大獲而歸
者也涇水又東逕京丘北世謂之京南對漢頃王
陵涇水北對君子岸岸上有哀王子憲王陵坎下
有泉源積水亦曰泉上岸涇水又東逕白土北南
卽靖王子康王陵三墳並列者是矣堯按漢諸侯
王表中山頃

水經注箋

卷十一

王名輔是中山哀王之孫而中山憲王福是中山
頃王之子而康王昆侈則是中山哀王之子中山
靖王之孫也涇水又東逕樂羊城北史記稱魏文侯

使樂羊滅中山蓋其故城中山所道謝云宋
本作造也故

城得其名涇水又東逕唐縣故城南北二城俱在

涇水之陽故曰涇水逕其東城西又有一水導源

盧奴縣之西北是城西平城之地泉湧而出俗亦

謂之爲唐水也東流至唐城西北隅竭而爲湖俗

謂之唐池蓮荷被水勝遊多萃其上信爲嬉處也

其水南入小溝下注涇水自上歷下通禪唐川之

兼稱焉應劭地理風俗記曰唐縣西四十里得中

人亭今於此城取中人鄉則四十也郡國志唐縣
有中人亭注

引博物記云唐關在中人西唐水在西北入涇與

應是註據時特
居其脈處

取字古微運
不復取實有
行本

應符合。又言堯山者在南則無山以擬之為非也。

闕駟十三州志曰山治盧奴唐縣故城。當作城在國

北七十五里駟所說此則非也。史記曰帝嚳氏沒

帝堯氏作始封於唐望都縣在南。今此城南對盧

奴故城自外無城以應之。考古今知。謝云疑作知今事義

全違。俗名望都故城則八十許里距中山城則七

十里。驗途推邑宜為唐城。城北去山五里與七十

五里之說相符。然則俗謂之都香山即是堯山在

唐東北望都界。皇甫謐曰堯山一名豆山。堯按皇甫謐

王世紀曰堯封唐堯山在北唐水西入河南有堯都山即堯母慶都所居相去五十里都山一名豆

水經注箋

卷十一

山今山於城北而如東嶄絕孤峙。唐牙築立。唐牙當作

虎牙堯按鮑照河清頌曰輔車鼎足磐石虎牙山南有堯廟是即堯所登

之山者。地理志曰堯山在南。今考此城之南又

無山以應之。是故先後論者咸以地理之說為失。

又即俗說以唐城為望都城者。自北無城以擬之。

假復有之。途程紆。疑脫一遠字山河之狀。全乖古證。傳

為疎罔。是城西北豆山西足有一泉源。東北流逕

豆山下。合蘇水亂流轉注。東入滄。是豈唐水乎。所

未詳也。又於是城之南如東一十餘里有一城。俗

謂之高昌縣城。或望都之故城也。故縣曰望都。

縣在唐南昌

當作高昌南

皇甫謐曰相去五十里穆謫

城地猶十五里蓋書誤耳此城之東有山孤峙世以山不連陵名之曰孤山孤都聲相近疑卽所謂都山也帝王世紀曰堯母慶都所居張晏曰堯山在北堯母慶都山在南登堯山見都山故望都縣以爲名也唐亦中山城也爲武公之國周同姓其後桓公不恤國政周王問太史餘曰今之諸侯孰先亡乎對曰天生民而令有別所以異禽獸也今中山淫昏康樂逞慾無度其先亡矣後二年果滅魏文侯以封太子擊也漢高祖立中山郡景帝三

水經注箋

卷十一

十五

洛

年爲侯國王莽之常山也魏皇始二年破中山立安州天興三年改曰定州治水南脫一奴縣之故城周之衰也國有赤狄之難齊桓霸諸侯疆理邑土遣管仲攘戎狄築城以固之地理志曰盧水出北平疑爲疎闊闕駟應劭之徒咸亦謂是矣余按盧奴城內西北隅有水淵而不流南北一百步東西百餘步水色正黑俗名曰黑水池或云黑水曰當作盧不流曰奴後漢書紀注引此注云故城北藉水以取名矣池水東北際水有漢王故宮處臺殿觀榭皆上國之制簡王尊貴壯麗有加始築兩

福致作福

宮開四門穿城北一作北城累石竇通涿唐水流于城

中造魚池釣臺戲馬之觀歲久頽毀遺基尚存今

悉加上疑作土為刹利靈圖池之四周民居駢比填

徧穢陋而泉源不絕暨趙石建武七年遣北中郎

將始築小城興起北榭立宮造殿後燕因其故宮

建都中山小城之南更築隔城興復宮觀今府榭

猶傳故制昔耿昭伯歸世祖於此處也埠按後漢書耿弇字

伯昭扶風茂陵人聞光武在盧奴乃馳北上謁涿水之右盧謝云宋本作盧下同水

注之上承城內盧水池自漠及燕涿涿水逕石竇

石竇既毀池道亦絕水潛流出城潭積微一作漲

水經注箋

卷十一

涓涓埠云涓字誤宋本作涓以其潛流故涓涓然細也水東北注于涿涿水

又東逕漢哀王陵北冢有二墳故世謂之兩女陵

非也哀王是靖王之孫康王之子也涿水又東右

會長星溝溝在上曲陽縣西北長星渚渚水東流

又合洛光水水出洛光涓東入長星水亂流東逕

恒山下廟北漢末喪亂山道不通此舊有下階神

殿中世以來歲書法族焉晉魏改有東西二廟廟

前有碑闕壇場相列焉其水東逕上曲陽縣故城

北本岳牧朝宿之邑也古者天子巡狩常以歲十

一月至于北岳侯伯皆有湯沐邑以自齋潔周昭

此水詳疑

王南征不還巡狩禮廢邑郭仍存秦罷井田因以立縣縣在山曲之陽是曰曲陽有下故此爲上矣王莽之常山亭也又東南流胡泉水注之受胡泉逕上曲陽縣南又東逕平樂亭北左會長星川東南逕盧奴城南又東北川渠之左有張氏墓冢有漢上谷太守議郎張平仲碑光和中立川渠又東北合滄水水有窮通不常津注

又東逕安喜縣南

縣故安險也其地臨嶮有井塗之難漢武帝元朔五年封中山靖王子劉應爲侯國王莽更名寧嶮

水經注箋

卷十一

十七

三百五十五

漢章帝改曰安喜中山記曰縣在唐水之西山高岸嶮故曰安嶮邑豐民安改曰安喜秦氏建元中唐水汎長宋本作漲高岸崩頽城角之下有大積木交橫如梁柱焉後燕之初此木尚在未知所從余考記稽疑蓋城池當初山水湊盪漂淪巨楫阜積於斯沙息壤加以城地謝云宋本作加以成地板築既興物固能久耳滄水又東逕鄉城北有舊盧奴之鄉也中山記曰盧奴有三鄉斯其一焉後隸安喜城郭南有漢朝時孝子王立碑

又東過安國縣北

杜阮一

徐

滌水歷縣東分爲二水一水枝分東南流逕解瀆亭南漢順帝陽嘉元年封河間孝王子淑於解瀆亭爲侯國孫宏卽靈帝也又東南逕任丘城南又東南逕安郭亭南漢武帝元朔五年封中山靖王子劉傳富爲侯國

漢書王子侯表安郭于侯傳富中山靖王子也古本作劉博字誤其水又東南流入于李池

宋本作滌池

滌水又東北

又東過博陵縣南

滌水東北逕蠡吾縣故城南地理風俗志曰縣故饒陽之下鄉者也自河間分屬博陵漢安帝永初

水經注箋

卷十

十八

三言七

七年封河間王開子翼爲都鄉侯順帝永建五年更爲侯國也又逕博陵縣故城南卽古陸城漢武帝元朔二年封中山靖王子劉貞爲侯國者也地理風俗記曰博陵縣史記蠡吾故縣矣漢質帝本初元年繼孝冲爲帝追尊父翼陵曰博陵因以爲縣又置郡焉漢末罷還安平晉太始年復爲郡今謂是城爲野城滌水又東北逕侯世縣故南城謝云疑作故城南又東北逕陵陽亭東又北左會博水水出望都縣東南流逕其縣故城南王莽更名曰順調矣又東南潛入地下博水又東南於瀆重源湧發

順帝過就滌
逕在亭往志
佳大統是為
帝

東南逕三梁亭南疑卽古勺梁也竹書紀年曰燕

人伐趙圍濁鹿趙靈王及代人救濁鹿敗燕師于

勺梁者也古本作敗燕師于勺梁而竹書但云今

廣昌東嶺之東有山俗名之曰濁鹿羅地地羅地

地字有脫不遠土勢相隣以此推之或近是矣所

未詳也博水又東南逕穀梁亭南又東逕陽城縣

散爲澤渚渚水潞漲謝云宋本作渚水潞張方數里匪直蒲

筍是豐實亦偏饒菱藕至若變童卍角古本作變童卍及當

是卍少之譌吳改作卍角弱年女子一作童或單舟採菱或疊

舸折艾當作長歌陽春愛深淶水掇拾者不言疲

水經注箋

卷十一

謠詠者自自下疑脫于時行旅過矚亦有慰於羈

望矣世謂之爲陽城澱也陽城縣故城近在西北

故陂得其名焉郡國志曰蒲陰縣有陽城者也今

城在縣東南三十里其水又伏流循瀆屈清梁亭

西北重源又發博水又東逕白隄亭南又東逕廣

望縣故城北漢武帝元朔二年封中山靖王子劉

忠爲侯國漢書王子侯表中山靖王子忠封廣望侯又東合嶠古本溝

溝上承清梁陂又北逕清源城東卽將梁也漢武

帝元朔二年封中山靖王子劉朝平爲侯國王子侯表

云中山靖王子朝平封將梁侯其水東北入博水博水又東北左

于時疑于嗎

小系如車
角回翔便
竟無限

則濡水注之水出蒲陰縣西昌安郭南中山記曰
郭東有舜氏甘泉有舜及二妃祠稽諸子傳記無
聞此處世代又謝云宋本又疑作久遠異說之來於是乎
在矣其水自源東逕其縣故城南枉渚迴湍率多
曲復亦謂之爲曲逆水也張晏曰湍水於城北曲
而西流是受此名故縣亦因水名而氏曲逆矣春
秋左傳哀公四年齊國夏伐晉取曲逆是也漢高
帝擊韓王信自代過曲逆上其城望室宇甚多曰
壯哉吾行天下唯雒陽與是耳詔以封陳平爲曲
逆侯上莽更名順平濡水又東與蘇水合水出縣

西南近山東北流逕堯始亭南又東逕其縣入湍
湍水又東得蒲水口水出西北蒲陽山西南流積
水成淵東西一百步南北百餘步深而不測其水
又東南流水側有古神祠世謂之爲百祠亦曰蒲
上祠所未詳也又南逕安陽亭東晉書地道記曰
蒲陰縣有安陽關蓋安陽關都尉治世俗名斯川
爲安陽壙蒲水又東南歷壙逕安陽關下名關壙
爲唐頭坂出關北流又東流逕夏屋故城實中嶮
絕竹書紀年曰魏殷臣趙公孫哀伐燕還取夏屋
城曲逆者也其城東側因河仍墉築一城世謂之

寡婦城賈復從光武追銅馬五幡於北平所作也
世俗音轉故有是名矣其水又東南流逕蒲陰縣
故城北地理志曰城在蒲水之陰漢章帝章和二
年行巡北岳以曲逆名不善因山水之名改曰蒲
陰焉水右合魚水水出北平縣西南魚山山石善
巨焉水發其下魚山以下疑有譌誤故世俗以物色名川又
東流注于蒲水又東入濡故地理志曰蒲水蘇水
並從縣東入濡水漢地理志中山國曲逆縣注云蒲水出蒲陽山東入濡又有蘇水亦東入濡又東北逕樂城南又東入博水自下博水
亦兼濡水通稱矣春秋昭公七年齊與燕會于濡

水經注箋

卷十一

水杜預曰濡水出高陽

當作陽

縣東北至河間鄭縣

謝云宋本作鄭縣埤按郡國志河間郡有鄭縣故屬涿此鄭字誤

入易水是濡水

與葦池

當作葦池

漉易互舉通稱矣地理志曰博水東

至高陽入河博水又東北徐水注之水西出廣昌

縣東南大嶺下世謂之廣昌嶺嶺高四十餘里二

十里中委折五迴方得達其上嶺故嶺有五迴之

名下望層山盛若蟻蛭

謝云宋本作咸若蟻垤

實兼孤山之

稱亦峻嶮也

謝云峻嶮疑作峻嶮

徐水三源奇發齊瀉一澗

東流北轉逕東山下水西有御射碑徐水又北流

西屈逕南巖下水陰又有一碑徐水又隨山南轉

逕東巖下水際又有一碑凡此三銘皆翼對層巖

巖郭深高壁立霞跣宋本石文云皇帝以太延元

年十二月車駕東巡逕五迴之嶮途覽崇岸之竦

峙乃停駕路側援弓而射之飛矢踰于巖山刊石

用讚元功夾碑並有層臺二所即御射處也碑陰

皆列樹碑官名徐水屈東北逕郎山又屈逕其山

南岑山岑競舉若豎鳥翅立石嶄巖亦如劒杪極

地嶮之崇峭漢武之世戾太子以巫蠱出奔其子

遠遁斯山故世有郎山之名山內有郎山碑事具

文一作事徐水又逕郎山君子中觸鋒將軍廣南

水經注卷十一 二十三 汝尾 四百三

廟前有碑晉惠帝永康元年八月十四日壬寅發

詔錫君父子法祠其碑劉曜光初七年前頽丘太

守郎宣北平太守陽平邑振等共修舊碑刻石樹

頌焉徐水又逕北平縣縣界有漢熹平四年幽冀

二州以代子以代子語有謫晚蓋是二州事境事

詔書遣冀州從事王球幽州從事張眼郡縣分境

立石標界具揭石文矣徐州當作又東南流歷石

門中世俗謂之龍門也其山上合下開開處高六

丈飛水歷其間南出乘疑作崖傾瀾泄克家云注

七丈有餘濟盪之音奇為壯猛觸石成井水深不

水經注卷十一

測素波白激濤襄四陸瞰之者驚神臨之者駭
矣東南出山逕其城中有故碑是太白君碑郎山
君之元子也其水又東流漢光武追銅馬五幡於
北平破之順水北乘勝追北為其所敗短兵相接
光武自投崖下遇突騎王豐於是授馬進保范陽
順水蓋徐州之別名也徐水又東逕蒲城北又東
逕清苑城又東南與沈水出蒲西俗謂之泉頭水
也地理志曰北平縣有沈水東入河即是水也東
逕其城又東南左入徐水地理志曰東至高陽入
河今不能也徐水又東左合會曹水出西北永

水經注箋

卷十一

二十三

寧縣

謝云據宋本作水出西北朔寧縣

曹河澤東南流左合岐山

之水水出岐山東逕邢安城北又東入南曹河

孫云

當作又東南入曹河

曹水又東南逕北新城縣故城南河南

又逕北新城故城北此王莽之朔寧縣也曹水又

東入于徐水水又東南逕一故城北俗謂之祭過

城所未詳也徐水又東流入博水地理志曰徐水

出北平東至高陽入于博

古本作河

又東入滹地理志

曰博水自望都東至高陽入于河

孫云今曹河徐河唐河諸水並

合易水經雄縣達直沽入于海

又東北入于易

涇水又東北逕依城北世謂之依城河他說無依
城之名卽古葛城也郡國志曰高陽有葛城燕以
與趙者也涇水又東北逕阿陵縣故城東王莽之
阿陸也建武二年更封岸將軍任光爲侯國岸宋本作
左傳按後漢書任光爲左大將軍封涇水東北至
武成侯建武二年更封光阿陵侯長城注于易水者也

此乃涇水至易水不可讀

戊申九月十三日讀一過